

799

Aug. ex.

Isai. 14, 13.

1. Ioh. 2, 19.

Sed epistolam foetidissimam de filio gehennae ignis Albino¹ — novo Arrio in finibus Austriae tempore gloriosi principis exorto, non Christi discipulo, sed illius, qui dixit: 'Ponam sedem meam ab aquilone et ero similis altissimo'; de quo scriptum est: 'Ex nobis prodierunt, sed non erant ex nobis; nam si fuissent ex nobis, permanserunt utique nobiscum' — contra quem, prout volui, rescriptum reddidi et sanctorum orthodoxorum atque catholicorum sententiis adstipulavi.

Tua vero sanctitas viriliter agat et confortetur cor tuum; reminiscens, quid ipse Dominus dicat: 'Beati, qui persecutionem patiuntur propter iustitiam, quoniam ipsorum est regnum caelorum'; et iterum: 'Ecce ego mitto vos sicut oves in medio luporum; estote ergo prudentes sicut serpentes et simplices sicut columbae'; 'cavete ergo ab hominibus; tradent enim vos in conciliis, et synagogis suis flagellabunt vos'; 'et ad praesides et reges ducemini propter me in testimonium illis et gentibus'.

Ego vero direxi epistolam tuam ad Cordoba fratribus, qui de Deo recta sentiunt. Et mihi multa scripserunt, quae in tuo adiutorio debueram dirigere. Sed ad ipso heresiarcham, Albini magistro, antifrasi Beato direxi relegenda. Tu vero dirige scriptum illud pro tuo fidele glorioso principali², antequam veniat ad ipso filio mortis Albino; qui non credit carnis adoptionem in filio Dei, quem sancti patres et nos ipsi credimus in sola forma servitutis humanae, non in gloria vel substantia divinae naturae.

De illo fratre nostro, qui defunctus est, audivi, quod aliquid nobis mandaratur dirigere. Et ideo quaeso, ut mandetis ad ipso famulo vestro Ermedeo, ut quaerat de Iudaeis, qui habent illic uxores et filios. Qui fatigium det et nobis, quantum Deus inspiraverit, dirigat; ita tamen, ut alii Iudaei non sentiant, qui apud nos habitant. Aut si possibile est, ut quemlibet de humiles vestros nobis cum mercaturios qui veniunt, dirigatis. Et quid egeritis de vestra intentione nobis certificate; et maxime per libros duos epistolarum beati Hieronymi et opusculorum beati Isidori, quos habet Ermedeo, quos direxeram ad ipso fratri, qui defunctus est; unde et mihi demandaverat, quod^a alios similes repererat. Idcirco tamen applicate ipse Ermedeo ad vos et instruite illum vestris eloquiis et veram fidei doctrinam, sicut ego illi notui.

Me tamen cognoscite senectute iam decrepita octuagesimo secundo anno a die Iul. 25. octavo Kalend. Aug. ingressus fuisse³. Et orate pro nobis, sicut et nos facimus pro vos assidue; ut nos Deus in regione vivorum pariter iungat. Sed omnibus fratribus demandabimus, ut pro vos sacrificium Deo offerant.

Merear quantocius de vestro rescripto laetus existere.

Istum praesentem vobis commendo et presbyterum nostrum Venerium, si datum fuerit, ut perveniat ad vos.

35

184.

Alcvinus Arnoni archiepiscopo Salisburgensi de itineris sui causis significat. Priorem eius de Leonis III papae moribus epistolam igni a se concrematam esse. De Hunorum perditione; de paganorum expeditione; de monachorum congregatione a se facta⁴. 799.

Codd. S 1 fol. 151—153' (S 1 fol. 63'—65'), D fol. 242 ex parte cf. supra p. 296 nota a. Edd. M 19, F 92b, J 127. — Migne col. 326.*

40

^{a)} quos Querc.

1) ep. 166 supra p. 268 sqq. 2) ad Carolum regem. 3) Alc. adv. Elip. I c. 15: Octogenarium te audivimus esse in epistola, quam praefato Felici direxisti; III, c. 20: Elipante, vir senectute gravis, moribus nobilis, dignitate sublimis. . . Decet plane tuam annosam prudentiam veridicam esse (Opp. I, 881. 905). 4) Hauck (Kirchengesch. Deutschlands II, 141 n. 7) has litteras c. Ianuario mense a. 800. scriptas esse censuit, cum Arno non ante Decembrem mensem a. 799. Roma redire potuerit.

45